

**Châng Thlan:** *Galatia 4:26.*

**Zirlaite Tân:**

**Hriat Tûr:** Thuthlung Hlui leh Thuthlung Thar inanna leh danglamna, Hagari leh Sari fâte leh Abrahamana nêna an inlaichinna nêna khaikhin ang che.

**Vei Tûr:** Sual laka chhanchhuah kan nihna tûra Pathian hmangaihna, rinna leh ngaihhlutna rilru châwm puitlin.

**Tih Tûr:** Pathian thuthlung thutiamte rinchhan.

### THUPUI THEN

#### I. Hriat Tûr: Ishmaela leh Isaaka

- A Engtin nge serhtan tûr ti tlattûte kha, mak taka lo piang Isaaka ni lo, tîsâ taka lo piang Ishmaela huânga mî an nih zâwk?
- B Mahni kuta thil chinfel kan tum thin entîrna eng dangte nge Bible aţangin kan lâkchhuah theih ang?
- C Engtin nge heta Abrahamana thawnthû hian thuthlung thar âia thuthlung hlui chu inngah nân kan âwn zâwk thinzia a târlan?

#### II. Vei Tûr: Thuthlung Thar Ngaihluin

- A Engtin nge Sinai Tlânga an intiam anga Israelte an awm leh tâk lohna khân Pathian chakna an rinchhan pawimawhzia anmahni chu a zirtîr?
- B Engtin nge Pathian ţanpuina kan mamawhzia inhriatnain kan rinchhanna leh hmangaihna a chawhthawh?

#### III. Tih Tûr: Thutiam Fâte

- A Engtin nge, Abrahamana tih ang khân, Pathian chu thilmak min tihsak tûra kiân lo va, mahnia thutiam fâte siam kan lo tum vê thin?
- B Thuthlung hlui ni lo, a thar zâwk fâte kan nihna avângin engang dodâlna nge kan hmachhawn thin?

**KHAIKHÂWMNA:** Khâng Abrahamana te, Hagar-i te, leh Sinai Tlânga Israel-te ang khân Pathian Thû hi mahnia thlen

famkimtîr tûra thlêm kan ni leh mai ðîn. Kan beihnate chu a thlâwn ni mai lo vin, chhiatna min thlen zâwk a. Pathian khawngaihna erawh chuan chhiatna ni lo, malsâwmna zâwk chu a thlen ðîn.

### INZIRTÎR DÂN TÛR

#### RAHBI 1—Chawk phûr rawh

**Thlarau ðanna atâna thu pawimawh:** *Thuthlung hlui rilrû chu thil thlentîr duhna rilrû a nih laiin, thuthlung thar rilrû erawh chu A ruâhmanna thlentîr tûra Pathian rinchhan a ni thung.*

Infiâm mîten infiamna an tih dân hi a inang lo hlawm viau mai. ðhenkhat chuan thil thlentîr tumin theihtâwpin an chê a, an theihna hun leh hmun angah chuan inbumnate pawh an hman hial ðîn.

ðhenkhat chuan, “anmahni hnênah game lo thleng tûrin” an ti thung a. Anmahni zirtîr leh kaihruaitûte ruâhman ang taka thlentîr tûra theihtâwp chhuahin, an tih tûr bîk chu tih ngêi an tum ðîn. Chutianga titu infiam mîte chu an hlawhtling tlângpui a, chû chu mahnî ngaihdân dânna thil ti lo va, anmahni zirtîr leh kaihruaitûte finna leh nuntawng hmanga kaihruaina chu an zui tlat vâng a ni.

Chutiang zui zêl tûr chuan chhel taka anmahni kaihruaitûte hruaina zui a, an ruâhmansak dân ang ngêi chu ataka an hlen chhuah a ngai ðîn. Pathian zuitûte pawhin chutiang tak chuan an lo ti tawh ðîn a. Hmânlai Israelte khân mahni-inrintâwkna nei takin, ðha theihtâwpa Pathian ruâhmanna an hlen theih tûr thû an âuchhuahpui a. Abrahamâ tâlbuai chhan pawh Pathian ruâhman hun kha thleng tawhin a ngai tlat a, Pathian ruâhman ang chu chhel taka nghâk zui ta lo chuan, fa neih dân tûrah mahnî ruâhman leh ngaihdân angin a che ta mai a ni. Chutianga chêtna avângin thil a khirhkhân zo ta. Vâneh thlâk takin, rinna lama lo puitling chho mêk Abrahaman Isaaka a hlannaah

khân thil chu chin fel a lo ni leh ta hlauh mai. Tûn kê zirlai hmang hian, thlarau lam kawnga chutianga chêtna kawng hnih inang lo tak chu kan en zui dâwn a ni.

**Ngaihtuah teh:** Thuthlung hluî rilrû leh thuthlung thar rilru inan lohna chu enge ni? Engtin nge thuthlung thar rilrû chu kan nunpui ðhin?

## **RAHBI 2—Zawng chhuak rawh**

**ZIRTÏRTÛTE PUÂL:** Abrahama khân thuthlung vawn kawngah tih dân kawng hnih chu a lo zawh ta a. A hmasâin, Pathian thutiam thlen famkimtîr tûrin mahni-inrinchhanin a che mai a. Tum ðha tak nei Kristiante pawhin chutianga chuan an tisual vê fo a ni lâwm ni? An lo tihsual tâk chungah tihtakzeta inçhârna neiin, mahni-inrinchhan chungin chutiingin an tisual nawn leh tawh lo vang tiin an puang a, nun thar neia Pathian ruâhmanna hlen tûra mahnia çakna nei ang maiin an ðawng chhuak ngawt ðhin a ni. Abrahaman mahnî kawng a zawhna vângin Ishmaela a lo piang a, chhûngkua a buâi zo ta. Vânduai thlâk takin, mahni-inrinchhan ringtûte pawhin Pathian chhûngte zîngah buaina an tichhuak vê fo mai. A hnûah Abrahaman mahni-inrinchhan lo va, inpêkna neiin, Pathian malsâwmna robâwm chu hawnsak a ni leh ta a ni.

Moria Tlâng chungah, Abrahaman inthâwi nân a fapa a hlân a; khatah khân a duhthusâm sâng tak pawh nghawng khawlo vêk dâwn pawh ni se, mahni a inhlân a ni ber zâwk. A inhlân hmiah tâkah chuan, Abrahama chu Pathian khawngaihna ropui tak ataka chang thei dinhmuna ding a lo ni ta. Berâmpa hlîng buka tâng hmanga entîr Pathian Fapa chuan thutiam chu hlen chhuak tûrin, Isaaka leh mî zawng zawng âiah a lo thi zâwk dâwn a. Nun siamthar leh tûra thiltihtheihna chu, mihringteah ni lo vin, Kristâ hnênah a awm a ni.

Tûnlai hian Abrahama nun chhâwng hnihna ang kha an awm nual mai: mahni thil lo tihsual tâk chung a in chhîr, mahse thlêmna hneh tûra mihring chakna hmanga beihnain felna a hlawh theih loh a, engtik lai pawha Pathian hruaina hnuaia intulût reng a, Kristâ inhlanna rinchhan hmiahna zârah chiah a theih tih hria ringtute an ni. Kohhran tihthar chu, a chhûnga ringtu awmten thuthlung hluia mahni-inrinchhana thuâwih tumna bânsan a, thuthlung thar, (Pathian) rinchhan chung a thuâwih hmiah zêl zâwkna chu a ni. Thuâwih thû-ah rinhlelh thû a chêng lo, mahni ngaihdâna felna ang chî a ni emaw, Pathian Lekhathûin a târlan Kristâ felna emaw ang chuan, tû rawng emaw chu kan bâwl tho tho thîn.

## ZIR ZAUNA

### I. Abrahama, Sari, & Hagari (*Galatia 4:21–31; Genesis 16.*)

Paulan entîrna atâna Hagari hmang a, a chhe zâwng a chhuah sí leh, Ishmaela chu dân zawm vânga chhandam nih tumna kohhran anga a hmang sí hi tûnlai ngaihdân zâu tak aţang chuan thil ngaihtheihawm lo tite pawh kan lo awm thei ang. Ani ang bâwih dinhmun châu taka dingin, duhthlan tûr chuâng pawh nei lo vin a pû mi hausa tak fâ a han pài ta chu lo dem ngawt tûr em ni dâwn le? Chû chauh ni lo vin, Paula khân (buaina siamtu zâwk) Abrahama leh Sari inlaichînna kha a la châwisângin, mi fel entîr nân a hmang zui sí a! Heta Paula sawi tum chu Hagari han sawi chhiat emaw, phiartu Sari han châwisân emaw pawh a ni lo. An chhûngkaw dinhmun vânduaithlâk tak khân Abrahama thlarau nun kawng hnih—mahnia tihna sâkhua leh Pathian rinchhan hmiah zâwkna ang chu a târlang a ni.

Vânduaithlâk takin, Abrahama thutlûkna siam châu tak khân siamţhat leh theih ruâl loh tûrin a fatîr nêna an inlaichînnaah nghawng a nei a, an chhûngkaw tân buaina

hnâr a ni. Amah Ishmaela ni lo vin, a lo pian vêna tûra (Abrahama leh Hagari) inkûngkaihna awm zâwk kha, mahni-felna entîrna chu a ni.

Tihtheih dang nei vê lo Hagari chung a Abrahaman mahni-inrinchhanna thil a tih tâk kha mahni-felna entîrna chu a ni. Hagari leh Ishmaela-te kha, Abrahaman mahnia-tihna sâkhua a enchhinna tuârtûte mai an ni.

**Ngaihtuah teh:** Kohhran chhûnga ‘felna nihphung’ chungchâng sawi hian, dân zawma chhandam châwisângtûte hian beih an tâwk deuh châwk a. Kristâ khawngaihnaa chhandamna chang tawhte hi, a la chang vê lote chungah hian zah an ngai thei deuh tûr ni âwm tak a ni. Ringtu dik takte chuan sawisêl nghâl mai lo vin, an chungah chuan khawngaihna an lantîr zuâl zâwk tûr a ni dân lâwm ni? Abrahaman mahni-inrinchhan bânsan a, chunglam thiltihtheihna a rinchhan tâk zâwkna aţang khân eng zir lai nge kan zir chhuah theih ang?

### **RAHBI 3—A Taka Nunpui Tur**

**Ngaihtuah Tûr Zawhnate:** Thuthlung vawn chungchângah hian, eng rilru put hmangin nge a hlui leh thar chu thliar hrang? Thuthlung hlui thil ngiat chu a la danglam chuang lo va, uirê chu uirê a la ni reng a, tualthah chu tualthah niin, sual tih chu a la dik lo reng tho. Pathian Lehkathû khawilaiah mah thupêk bawchhiat pawm theih ni âwma sawina a awm lo. Chutichungin, thuthlung kalhmang hriatthiam dân erawh a dang ta deuh. Tûnhma kha chuan Israelten Pathian thuthlunga tihtûr awmte kha phurrit angin an ngai thîn. Engati nge thuthlung thar hnuaiah chuan thuthlung vawn hi lâwmnaa khat remchâna a nih zâwk sî?

**Ataka Nunpui Tûr Zawhna:** Engtin nge kohhrana inthennate hi dân zawma chhandamna sâkhua nêh inhnûkhniam chuâng

lo va tuâm dam a nih theih ang? Engtin nge mahni-inrinchanna sâkhua hi rinna-behchhan inlaichînna zâwka kan leh theih ang?

#### **RAHBI 4—Boruak siam rawh**

**Tih tûr:** Kohhran hlabûa Pathian fakna hlâte enin, Pathian nêna thuthlung thara inlaichînna neih târlang theite zawng teh u. Member-te chu an thil zawn chhuah chu sawi tûrin sâwm ula. Member tinte chu an hla châng/thu thlan chhuah aţang chuan thuthlung thar inlaichînna an hmuh dân sawi fiah tûrin i sâwm t̄heuh dân nia.

**ZIRLAI 11-NA**

**KAIHTÂWI**

SEPTEMBER 10, 2017

**Châng Thlan:** *Galatia 5:13.*

**Zirlaite Tân:**

**Hriat Tûr:** Kristaa zalênna dik hi dân zawma chhandam nih tumna leh bawlhhlawhna pumpelhna a nih dân sawi ho teh u.

**Vei Tûr:** Kristaa zalênna a rawn thlen lâwmna phûrawm tak hriatna neih.

**Tih Tûr:** Krista nêna inpumkhat rinna zâra hmangaih rawngbâwlna thar thawh.

#### **THUPI T̄HEN**

##### **I. Hriat Tûr: Zalênna Dik**

- A Engtin nge Kristaa rinnain min tih zalên t̄hin? Tû leh eng laka zalên nge kan nih?
- B Kan zalênna chu eng atâna hmang tûra koh nge kan nih?
- C Engtin nge Kristaa kan zalênna chu dân ‘thiltih’ ni lo, dân ‘hlen chhuahna’ chu a nih zâwk?

##### **II. Vei Tûr: Zalênna Hlimawm**

- A Engtin nge sual, thihna leh ramhuai hrêng aţanga zalênna mi dangte nêna inlaichînna leh an chungka kan rilru puthmang a thlâk danglam?